

## ՊԱՅՔԱՐԻ ԵՎ ՎԵՐԱԾՆՈՒԹՅԱՆ ՈՒՂԻՆԵՐՈՎ

ՀՍՍՀ ԳԱ ակադեմիկոս Մ. Գ. ՆԵՐՍԻՍՅԱՆ

Ժողովուրդների դարավոր պատմությունը, ինչպես հայտնի է, ունի ողբերգական ոչ մի զրվագներ: Շահագործողական հասարակության պայմաններում ծանր, մղձավանջալիս պահեր են ապրել հատկապես փոքր ազգությունները, որոնց ֆիզիկական գոյությունը հսնախ վտանգի է ենթարկվել: Իմպերիալիզմի դարաշրջանում ավելի դաժան ու մասսայական դարձան կոտորածները, համընդհանուր բնույթ ստացան ավերն ու բնաշնչումը, ցեղասպանությունը՝ գեղոցիդը: Սակայն պատմության մեջ տեղի ունեցավ մեծ, վիճակալի շրջադարձ: Հոկտեմբերյան սոցիալիստական մեծ հեղափոխությունը, որ կատարվեց Վ. Ի. Լենինի ու նրա ստեղծած կոմունիստական կուսակցության ղեկավարությամբ, նոր դարագլուխ բացեց մարդկության պատմության մեջ, փրկեց մեր երկրի ժողովուրդներին իմպերիալիզմի ոնրագործություններից, ազատագրեց նրանց ազգային ննշումներից ու սոցիալական կեղեկումներից, բերեց խաղաղություն, իսկական ազատություն ու նոր, լուսավոր կյանք: Այս ակնհայտ հշմարտության պերնախոս վկայությունն է նաև հայ ժողովրդի անցած պատմական ուղին, նրա ողբերգական անցյալն ու փառավոր ներկան:

### 1.

Վարսուն տարի առաջ նախկին օսմանյան կայսրության մեջ տեղի ունեցավ մի հրեշավոր ոնրագործություն, որը դարձավ մարդկային հասարակության մեծագույն ողբերգություններից մեկը: Սուլթանական Թուրքիայի կառավարող շրջանները գազանարար կոտորածի ենթարկեցին մոտ միլիոն ու կես հայ բնակչություն և անապատի վերածեցին ամբողջ Արևմտյան Հայաստանը:

Օսմանյան կայսրության մեջ հայկական զանգվածային կոտորածներ տեղի ունեցան դեռևս 19-րդ դարի վերջերին: Արյունարբու սուլթան Արղույ Համիդը 1894—1896 թթ. բնաշինջ արեց մոտ երեք հարյուր հազար մարդ: Սակայն երիտասարդ բուրժեի ազգայնամոլ կուսակցությունը, որը իշխանության գլուխ անցավ 1908 թ., վարեց ավելի դաժան ևաղափականություն:

Երիտբուրժեի մասին «Պրավդա» թերթը 1912 թ. գրում էր, թե «նրանց ձգտումը բուրժազնեի Օսմանյան կայսրությունում բնակվող սլավոնների, հայերին, հրեաներին և ուրիշներին ընդունեց ավելի կոպիտ և համառ բնույթ, ևան Արղույ Համիդի ժամանակ»:

Երիտասարդ բուրժեի ոագմատենչ կուսակցությունը, հետապնդելով ազրեսիվ նպատակներ և չցանկանալով լսել ազգային փոքրամասնությունների որևէ իրավունքի մասին, նախապատրաստեց մի նոր, անօրինակ հանցագործություն: Որպեսզի վերջ տա Հայկական հարցին և դյուրությամբ իրականացնի իր ցնորամիտ պանբյուրժիստական նպատակները, նա որոշեց ֆիզիկապես ոչնչացնել օսմանյան ծանր լծից ազատվել ցանկացող հայ ժողովրդին:

Այդ զարհուրելի ծրագիրը քուրճական կառավարությունը իրականացրեց առաջին համաշխարհային պատերազմի ժամանակ՝ ամենայն բարբարոսությամբ: Ջարդերը սկսվեցին դեռևս 1914 թ. վերջերին: Ակզբում նենգորեն և գաղտնի կոտորեցին դիմադրելու բնորոշական բնակչության մեծ մասը: 1915 թ. ապրիլի 24-ին բանտարկվեցին ու աղա ոչնչացվեցին արևմտահայ մտավորականության բազմաթիվ ներկայացուցիչներ: Չոհրի քվում էին ականավոր գրողներ, բանաստեղծներ ու հրապարակախոսներ՝ Գրիգոր Չոհրապր, Դանիել Վարուժանը, Սիամանթոն, Ռուբեն Ասակը, Ռուբեն Ջարդարյանը և շատ ուրիշներ: Ջարդարաններն այնուհետև անցան անօգնական բնակչության համընդհանուր կոտորածներին: Ակսվեց կանանց, երեխաների ու ծեռունիների անխնա բնաջնջում, բնդ ուրում, նրանց մի մասը կոտորվեց հայրենի գյուղերում ու ֆաղաֆներում, մյուս մասը, որ բռնի տեղահան էր արվել՝ հանապարհներին, երբուրդ մասը ոչնչացավ Միջագետքի անապատներում:

Կոտորածները իրականացվեցին ամենագազանային ձևերով: Ականատեսները, որոնց քվում հայեր, արարներ, ֆրյեր, քուրճեր, Եվրոպացիներ ու ամերիկացիներ, սարսավիով են պատմում կատարված գազերի ոճրագործությունների մասին:

Հայկական կոտորածները, որ առանձնապես ծավալվեցին 1915 թ., շարունակվեցին հետագա տարիներին Միջագետք և կայսրության մյուս անկյունները աստիճանաբար հայ բնակչության նկատմամբ: Ջարդեր տեղի ունեցան Արևմտյան Հայաստանի բոլոր մասերում, Քուրճիայի բոլոր հայաբնակ վայրերում:

Ինչպես ցույց են տալիս փաստաթղթերը, գավառական իշխանություններին մի շարք ստորին պաշտոնյաներ փորձեր են արել չկատարել կենտրոնական իշխանության հրամանները, որոնցում պահանջվում էր անխնա բնաջնջել հայ բնակչությունը: Այդպիսի արարների համար նրանք ոչ միայն հեռացվել են իրենց պաշտոններից, այլև գնդակահարվել: Նշենք նաև այն հանգամանքը, որ Սիրիա ու Միջագետք աստիճանաբար հայ գաղթականությունը, որ գտնվում էր ծայրահեղ թշվառ կացության մեջ, գաղանի օգնություն էր ստանում տեղի արար բնակչության կողմից:

Հայերի մասսայական կոտորածների ֆաղափականությունը ցեղասպանության—գեոցիդի ֆաղափականություն էր, որ մանրամասնորեն մշակվեց և անողոքաբար իրականացվեց երիտքուրճերի կառավարության և մասնավորապես նրա երեք ղեկավարների՝ արյունաբերու դահիներ Քալեպի, էնվերի ու Ջեմալի կողմից:

Երիտքուրճերի գազանությունները շատ բանով հիշեցնում են հիտլերյան ֆաշիստների արյունոտ գործողությունները: Քուրճական մարդասպանները որոշ իմաստով ֆաշիստ Լեոնեագործների նախատիպերն են եղել: Պատահական չէ, որ դիվանաբար ֆյուրերը երբեմն վկայակոչում էր երիտքուրճական դահիների «փորձը»: Այսպես, 1939 թ. օգոստոսին, Լեհաստանի վրա ֆաշիստական հորդանների հարձակման նախօրյակին, Օբերգայցբուրգ ֆաղափում հրավիրված մի խորհրդակցության ժամանակ նա իր գեներալներին հիշեցրել է հայկական կոտորածները: Ոչ մի ուշադրություն հասարակական կարծիքին, հարկավոր է անխնա կոտորել տղամարդկանց, կանանց և երեխաներին, հար-

կավոր է ոչնչացնել ողջ լեհական ուսան.— բարբառում էր Հիտլերը: «Ո՛վ է ալսօր հիշում հայերի ջարդը»:

Կոտորածների ժամանակ արևմտահայերը, որտեղ այդ հնարավոր էր, դիմեցին զինված դիմադրության, ինճնապաշտպանական կոիվների: Իրենց կյանքն ու պատիվը փրկելու համար հերոսական պայքար մղեցին Վանի, Ուրֆայի, Շատախի, Շապին-Գարահիսարի, Մասունի և այլ ֆաղաֆների ու շրջանների հայ բնակիչները: Առանձնապես հաջող անցավ Վան ֆաղաֆի ինճնապաշտպանությունը, որը տեղեց մոտ մեկ ամիս: Համաժողովրդական անձնագոն պայքարով և ոռոսական բանակի զորամասերի օգնությամբ Վանի բնակչությունը փրկվեց կոտորածներից: Անգիշում մահառման շնորհիվ հաջողությամբ պսակվեց նաև Մուսա լեռան հերոսամարտը, որի մասին ավստրիացի գրող Ֆրանց Վերֆելը գրել է «Մուսա լեռան 40 օրը» իր նշանավոր վեպը: Ի դեպ, այդ հերոսամարտը ոգևորել է Սլովենիայի լեռներում 1942 թվականին շրջապատված հաբավալավական պարտիզաններին գերմանա-իտալական ֆաշիստների դեմ մղած մարտերում:

Արևմտահայերի զանգվածային կոտորածների դեմ իր ձայնը բարձրացրեց ժամանակի առաջավոր ու մարդասեր ուսարակայնությունը: Բուռն ցասումով և վրդովմունքով հանդես եկան Մախիմ Գորկին, Վալերի Բրյուսովը, Յուրի Վեսելովսկին, Սերգեյ Կիրովը և ուրիշները Ռուսաստանում, Անատոլ Ֆրանսը և Ռոմեն Ռոլանը՝ Ֆրանսիայում, Ֆրիտյոֆ Նանսենը՝ Նորվեգիայում, Կարլ Կրկենիտը և Յոզեֆ Մարկվարտը՝ Գերմանիայում, Ջեյմս Բրայսը՝ Անգլիայում և ուրիշներ: Տեղի ունեցան բողոքի հավաքույթներ, քննադատվեցին համասպառասիան որոշումներ: Սակայն ոչինչ չազդեց հանցագործների վրա:

## 2.

Ի՞նչ դիրք բռնեցին մեծ պետությունները կատարվող անցքերի նկատմամբ: Ջարդարար երիտքուրհներին ամեն կերպ օգնում ու հովանավորում էր կայզերական Գերմանիան, որ պատերազմի տարիներին Թուրքիայի դաշնակիցն էր և աշխատում էր զավթել ամբողջ Մերձավոր Արևելքը: Հայերի կոտորածներն ու տեղահանությունը համապատասխանում էին նրա զավթողական-իմպերիալիստական ծրագրերին: Թուրքական բանակի ղեկավար կազմում զգալի տեղ էին զբաղեցրել գերմանական սպաները: Նրանց գործուն մասնակցությամբ մշակվեց հայկական կոտորածների ծրագիրը: Ավելին: Գերմանացի շատ զինվորականներ անմիջական մասնակցություն ունեցան հայերի գեղոցիղի իրականացման գործին:

Անպաշտպան, անօգնական հայերի նկատմամբ խիստ փառիսեցիական դիրք բռնեցին արևմտաեվրոպական պետությունները և Ամերիկայի Միացյալ Նահանգները: Անգլիական ու ֆրանսիական կառավարությունները, որ հանախ հանդես էին գալիս որպես հայերի «հովանավորողներ», գործնական և ոչ մի ֆայլ չկատարեցին արյան մեջ խեղդվող արևմտահայ բնակչությանը օգնելու համար: Բնորոշ է, օրինակ, որ անգլիական կառավարությունը 1916 թ. սկզբներին մերժեց Ռուսաստանի արտաքին գործոց մինիստրության առաջարկը՝ ֆինանսական-տնտեսական օգնություն ցույց տալու հայ գաղթականությանը: Հայության նկատմամբ արևմտյան պետությունների բռնած դիրքը Մախիմ Գորկին որակել է որպես «նողկալի անտարբերություն»:

Խոսելով այս հարցի մասին, Մարտիրոս Սարյանը գրել է. «Պատմական Հայաստանի զեղեցիկ բնաշխարհը ներկվեց անմեղ հայերի արյունով: Ամայացան տասնյակ հայաբնակ ֆաղաֆներ, հազարավոր գյուղեր: Մարդասպանները կատաղի վայրագությամբ ֆանդեցին, ավերեցին, քաղանեցին... Անլուր ողբերգություն, որ կատարվեց մեծ պետությունների աշխատանք: Թափուն շերտներ, գիտե՛ք ամբողջ աշխարհը՝ մարդասիրությունից, մարդկայնությունից հառող «ֆաղաֆակիրք» աշխարհը: Զարմանալի կերպով վակ մնացին այդ պետությունների աշխարհը և՛ ուրի պահին, և՛ նրանից հետո: Նրանք հանգիստ դիտեցին աշխարհով մեկ ցրված հայ գաղթականների տառապանք, լսեցին ճրանց հայրենարարձ ու արդարացի աղաղակները: Լսեցին ու լռեցին»:

Միանգամայն այլ ֆաղաֆականություն վարեց Հոկտեմբերյան սոցիալիստական մեծ հեղափոխության ծնունդ Սովետական Ռուսաստանի կառավարությունը: Հավատարիմ լենինյան ազգային ֆաղաֆականության սկզբունքներին, սովետական իշխանությունը հոգատար, մարդասիրական վերաբերմունք ցուցաբերեց հայ ժողովրդի նկատմամբ: Հովհաննես Թումանյանը նկատել է. «Ահա մի իշխանություն, որի զերթի վրա տեսնում ենք ոչ թե զանազան գազաններ ու զեններ, այլ մուրն ու մանգաղ, բանվորի ու գյուղացու աշխատանքի սիմվոլը միատեղ ու միասին, մի իշխանություն, որ գալիս է, իր հետ բերելով հաշտ ու խաղաղ կյանք ու արդար աշխատանք, և ոչ թե կոթի ու կոտորած»:

Երեսուցի Մարտիրոսը է, որ արդեն 1917 թ. վերջերին Վ. Ի. Լենինը անձամբ զբաղվեց արևմտահայերի բախտով: Մեծ առաջնորդի նախագահությամբ դեկտեմբերի 29-ին տեղի ունեցավ ժողովրդական կոմիսարների խորհրդի նիստ, որ ֆննարկվեց այդ հարցը և բնդունվեց դեկրետ «Թուրքահայաստանի մասին»: Պատմական այդ փաստաթուղթը, որ ստորագրեց Վ. Ի. Լենինը, հռչակեց Արևմտյան Հայաստանի ինֆնորոշման իրավունքը և նախատեսեց մի շարք միջոցառումներ՝ ջարդարանների յարադանից ազատված հայ բնակչության բեկորները փրկելու համար: Հանձնարարվեց Կովկասի արտակարգ կոմիսար Ստեփան Շահումյանին՝ ամեն կերպ օգնել թուրքական իշխանությունների կողմից բռնի կերպով արտասված բնակչությանը հայրենի երկիր վերադառնալու, Արևմտյան Հայաստանում դեմոկրատական կարգեր ստեղծելու գործին և այլն:

Այդ նույն շրջանում, Վ. Ի. Լենինի նախաձեռնությամբ, Սովետական Ռուսաստանը ապաստան տվեց ֆաղթի ու հիվանդությունների մատնված հայ գաղթականներին Հյուսիսային Կովկասում և երկրի այլ շրջաններում, բնդորում, արվեց հնարավոր ամեն բան նրանց վիճակը քերակացնելու համար: 1918 թ. զարնանը, երբ թուրքական զորքերը ներխուժեցին Անդրկովկաս և տեղի ունեցան հայկական նոր կոտորածներ, Սովետական Ռուսաստանի կառավարությունը վնոական բողոքի նոտա ներկայացրեց ագրեսորներին: 1920 թ. աշնանը, երբ Հայաստանը դարձյալ ապրեց ծանր օրեր, Սովետական Ռուսաստանը նորից իր եղբայրական ձեռքը մեկնեց բազմաշարժար հայ ժողովրդին:

Այսպիսին էր Ռուսաստանի բանվորների ու գյուղացիների իշխանության անշահախնդիր օգնությունը հայ աշխատավորությանը, իշխանություն, որ դեկավարվում էր լենինյան ազգային ֆաղաֆականության հումանիստական և վսեմ գաղափարներով: Այդ օգնությունը վնոական դեր խաղաց հայ ժողովրդի իսկական ազատությունը և վերածնությունը ապահովելու գործում:

Ավետիֆ Իսահակյանը ամենայն իրավամբ գրել է. «Հրդեհվող ֆաղաֆների, արյան հեղեղների, աննպատակ ու անհամար զոհերի վրայով վերջապես մեզ էլ հասավ դարերի մեծագույն հաննար Լենինի մարգարեական, զգաստացնող ձայնը: Հոկտեմբերյան սոցիալիստական մեծ հեղափոխությունը փրկեց և կյանքի կոչեց հայ ժողովրդին, որը կանգնած էր գերեզմանի եզրին: Սկսվեց իսկական վերածնությունը, որի մասին ժողովուրդը երազել էր դարեր շարունակ... և նոր շինված մարդկային աշխարհում հայ ժողովուրդը ձեռք բերեց վաղուց կորցրած պետականությունը, ազգային և համամարդկային կուլտուրայի զարգացման ազատություն և հավերժական եղբայրություն ուս ժողովրդի և մյուս ժողովուրդների հետ»:

Պատմության ընթացքը ցույց տվեց, որ հայ ժողովրդի բխտը, իսկապես, կապված է ոչ թե արևմտյան կապիտալիստական պետությունների հետ, ինչպես միշտ ֆարոգել է բուրժուա-նացիոնալիստական դաշնակցություն կուսակցությունը, որի ավանտյուրիստական ֆաղափականությունը շատ աղետներ պատճառեց հայ աշխատավորներին, այլ սոցիալիստական հեղափոխության, Սովետական Ռուսաստանի հետ:

### 3.

Հոկտեմբերյան սոցիալիստական մեծ հեղափոխությունը, Հայաստանի աշխատավորական մասսաների հերոսական հեղափոխական պայքար, սովետական իշխանության հաստատումը Հայաստանում կարմիր բանակի զորամասերի օգնությամբ վերջ դրեց հայ ժողովրդի դարավոր տառապանքներին: Ոտի կանգնելով ուս և մեր երկրի մյուս ժողովուրդների աշակցությամբ, նա անցավ խաղաղ, ստեղծագործական աշխատանքի, սկսեց կերտել իր նոր կյանքը և պայծառ ապագան: Հայ ժողովուրդը ունեցավ իր պետականությունը՝ Հայկական Սովետական Սոցիալիստական Հանրապետությունը, որը դարձավ Սովետական Միության Հանրապետությունների եղբայրական ընտանիքի իրավահավասար անդամը:

Անցյալում հետամնաց և մեծապես ավերված Հայաստանը սովետական իշխանության տարիներին ձեռք բերեց վիթխարի հաջողություններ: Վերականգնվեց ֆայֆայված տնտեսությունը, ստեղծվեց հզոր, բազմանյութ արդյունաբերություն, զարգացավ գյուղատնտեսությունը, ժողովրդական տնտեսությունը ենթակվեց սոցիալիստական վերակառուցման, ծաղկեց գիտությունը և կուլտուրան:

Սովետական Հայաստանը դարձել է նաև ողջ աշխարհում ցրված հայ աշխատավորական զանգվածների մայր հայրենիք: Օտարության մեջ ապրող բազմահազար հայ ընտանիքներ իրենց հանգրվանն են գտնում Սովետական Հայաստանում: Հզոր Սովետական Միության կազմում հայ ժողովուրդը վստահ է իր ապագայի նկատմամբ:

Հայ ժողովրդի, Սովետական Միության բոլոր ժողովուրդների, ազգերի ու ազգությունների բարօրությունը և բարգավաճումը կոմունիստական կուսակցության մշտական հոգատարության առարկան է: Հայաստանի աշխատավորները մեծագույն բերկրանքով ու խոր երախտագիտությամբ ընդունեցին կուսակցության Կենտկոմի և սովետական կառավարության իրոք պատմական որոշումը՝ մեր հանրապետության ժողովրդական տնտեսության հետագա զար-

գացման մասին: Դա կոմունիստական կուսակցության ազգային իմաստուն ֆաղաֆականության դրսևորման մի նոր, վառ օրինակ է: Հայրական հոգատարությանը Հայաստանի աշխատավորները պատասխանում են կուսակցության և կառավարության որոշումը անպայման իրագործելու միակամ վիճականությամբ:

Սովետական Միության կոմունիստական կուսակցությունը, սովետական պետությունը վառում են լենինյան արտաֆին ֆաղաֆականություն՝ խաղաղության, ժողովուրդների համագործակցության և բարեկամության ֆաղաֆականություն, ձեռնարկում են ուշադրություններ, որպեսզի ամրապնդվի ժողովուրդների անվտանգությունն ու ապահովվի ազատության, դեմոկրատիայի ու սոցիալական առաջադիմության գործն ամրոզ աշխարհում: Սովետական Միության կոմունիստական կուսակցության Կենտրոնական կոմիտեի գլխավոր ֆարտուղար Լ. Ի. Բրեժնևը, որ անձամբ հսկայական աշխատանք է կատարում խաղաղությունը ամրոզ աշխարհում ապահովելու ուղղությամբ, բնագծել է. «Աշխարհում ստեղծել այնպիսի կլիմա, որի պայմաններում պոտենցիալ ագրեսորները, արկածախնդրությունների և զենք շաշեցնելու սիրահարները ամենուրեք հանդիպեն ժողովուրդների ավելի ու ավելի վիճակուն ու համատեղ հակահարվածին, որի պայմաններում խաղաղությունը, անվտանգությունը և խաղաղ ապագայի վստահությունը գործնականում դառնան աշխարհի տարբեր շրջանների ավելի ու ավելի լայն մասսաների սեփականությունը. ահա այն նպատակը, որն արժանի է, որ նրա համար իր ուժերը նվիրարների ամեն ոք, ով սիրում է իր ժողովուրդին և մտածում մարդկության առաջադիմության մասին»:

Սովետական ժողովուրդը, ողջ առաջավոր մարդկությունը շուտով նշելու են հիտլերյան ֆաշիզմի նկատմամբ տարած մեծ հաղթանակի 30-ամյակը: Մեր ժողովուրդը, որ Հայրենական մեծ պատերազմի ընթացքում տվեց 20 միլիոն զոհ, գայությունով է հիշում ֆաշիստական ճիվաղների ոնրագործությունները և իր հաստատ կամեն արտահայտում՝ վիճակուն պայքար մղելու ֆաշիզմի, միլիտարիզմի, բոլոր ունակցիոն ու ագրեսիվ ուժերի դեմ, որպեսզի շլիենն նոր պատերազմներ ու կոտորածներ, որպեսզի չկրկնվի այնպիսի ողբերգություն, ինչպիսին ապրեց հայ ժողովուրդը վարսուն տարի առաջ:

(«Սովետական Հայաստան», 24 ապրիլի 1975)